

Broj: 01-11-5747-1/18
Sarajevo, 27.07.2018. godine

Predmet: Međunarodni sajam halal industrije Sarajevo Halal Fair 2018, pozivnica za učešće

Poštovani,

zadovoljstvo nam je informisati Vas da Bosna Bank International, u saradnji sa Islamic Development Bank Group (Islamskom razvojnom bankom) organizira međunarodni sajam halal industrije – Sarajevo Halal Fair 2018 (SHF 2018) koji će se održati u Sarajevu 27. - 29. septembra 2018. godine, pod Pokroviteljstvom Nj.E. Bakira Izetbegovića, predsjedavajućeg Predsjedništva Bosne i Hercegovine, kao i uz podršku Privredne/Gospodarske komore Federacije Bosne i Hercegovine i Udruženja halal industrije, kao i drugih domaćih i međunarodnih partnera.

Međunarodni sajam halal industrije - Sarajevo Halal Fair (SHF) predstavlja jedinstven događaj koji će na jednom mjestu okupiti predstavnike halal industrije zemalja jugoistočne Evrope i vodećih svjetskih multinacionalnih kompanija. Sajam će također osigurati susrete proizvođača halal proizvoda i pružalaca halal usluga s velikim kupcima i distributerima iz zemalja Istoka.


Ovaj događaj predstavlja jedinstvenu priliku za halal proizvođače da ostvare kontakt sa distributerima halal proizvoda koji su prisutni na tržištima širom svijeta, a koji mogu osigurati globalnu promociju i prodaju halal proizvoda i usluga iz naše regije.

SHF 2018 će pružiti brojne mogućnosti domaćim i međunarodnim kompanijama kao mjesto susreta svih tržišnih učesnika, regulatora i na koncu potrošača halal proizvoda i usluga. Također, SHF 2018 ima namjeru da potakne dodatne investicije i olakša poslovnu saradnju u oblasti halal industrije kao i da omogući uvid u trendove razvoja halal industrije, unaprijedi odnose s lokalnim i stranim kupcima i distributerima, te osigura izravan kontakt i povratne informacije od potrošača halal proizvoda i korisnika halal usluga.


Imajući u vidu spomenute činjenice, koristimo ovu priliku da Vam preporučimo u ime Organizacionog odbora SHF da budete dio ovog velikog događaja u Bosni i Hercegovini, te da Vas obavijestimo da je za članice Udruženja halal industrije obezbijeden popust od 20% na troškove učešća. Unaprijed Vam se zahvaljujemo na eventualnoj saradnji povodom ovog značajnog događaja.

Za sva dodatna pitanja stojimo na raspolaganju. Kontakt osoba je Azra Čolić koju možete kontaktirati na e-mail azra.colic@bbi.ba ili telefon: +387-33-275-508.

S poštovanjem,



Amer Bukvić
Predsjednik Uprave
Bosna Bank International



Mirsad Jašarspahić
Predsjednik Privredne/Gospodarske komore
Federacije Bosne i Hercegovine